

Bebakaan gikino'amagewinan ga'odapinigaadegin

O'omaa gikino'amawagan o'gashki'owin gaagii maaji'chigaadeg, Ontario aay skool gii'onji nangi bagidinigaadewan gikino'amagewinan ge'wiji'igowaaj gikino'amawaganag ga'minwendamowaj etodamowaaj gaye ga'gichiinendamowaaj. Ono gikino'amagewinan oga'miinigonawaa gikino'amawaganag ji'onendamowaaj ge'izhi bimi gikino'amawindwaa ji'dodamowaaj oshki gegonan gaye genoonji biiijini gikendasowaaj. Mii'ono ge'dagwakin gikino'amagewi wiji'iwewinan, bebakaan gikino'amagewinan ga'odapinigaadegin gaye anokiwing gikino'amagewin.

Ono gikino'amagewinan oga'wiji'igonawaa onoondesewiniwaa, gagichiinendamowaaj gaye ganagajitowaaj gakina gikino'amawaganag genooji bimi gikendamowaaj gaye jibimi gwayaajiiwaa ji'ani giizhitowaaj gaye wedi baazhij.

Wegonen bebakaan gikino'amagewinan ga'odapinigaadegin (SHSM)?

Ogimawining gii'onji onendagwan jidagonigaadeg ono dinowi gikino'amagewinan ji'odapinamowaaj gikino'amawaganag bekish gaye ji'onji giizhitowaaj gabimi gikino'amawindwaa aay skool. Oga'onji wiji'igonaawaa gaye ishkwa giizhitowaaj ji'anjishkawaaj anokiwi gikino'amagewining, college, university gemaa anokiwing.

Megwaa 2012-13 gagii gikino'amaganiwak, bebakaan gikino'amagewinan gagii ayagin ga'ani ozhibii'igadegin:

- Gitigewin
- Mashkiki gaye minoyaawin
- Bebakaan izhimagiiwinan gaye inaadiziwin
- Ga'mamiinwaka miga'igadeg aki
- Bimisewi'anokiwin
- Gabeshiiwigamig gaye babaamiyaawin
- Anokiwi'maajitaawin
- Wiinjigewinan gaye giigidowi abajitaganan
- Mitigo'naabewin
- Dibakonigewin, dazhiikewi
- Animikii'ishkide
- ayangwaminigewin gaye babazhisiwi anokiwinan
- Akiwi baminigewin

- Gegonan ga'ozhichigadegin
- Ga zhooniyakemagasinog biniwijiigewin
- Bii'wabikokaan
- Odaminowinan
- Bimiyaawin

Mayaa ezhi wiji'wemagakin bebakaan gikino'amagewinan ga'odapinigaadegin

Gikino'amawaganag ga'odapinamowaaj ono odizhi wiji'igonawaa:

- Oga'onendanawaa wegonen gegikino'amawindwaa aay skool ga'izhi minwendamowaaj gaye ga'izhi na'iiwaaaj.
- Ogani debinanaawaa gikendamaawin gaye gashki'owin.
- Dedebinamazowag gikino'amagewinan gichi gikino'amagewinan gaye ga'onji bimiwijiigadegin ga'baminamowaaj.
- Dedebinamazowag ga'onji bimiwijiigadegin ga'baminamowaaj gikina'waji'igowining anokiwi gikino'amagewining.
- Ogani nagajitonawaa gashki'owinan gaye anokiwinan ji'ani ozhibii'igadenig Ontario gashki'owi gikinawaji'bii'ogowining.

ontario.ca/EDUparents

- Oga nanaandonaan, oga nanagajitooon wegonen dinowi anokiiwini ge'odapinang gaye o'wiindamaagowining ha'onji onedam geniizhichigej niigaan.
- Gawin dazanagachigadesiini, bizaan dagii todam ji'bakanachigej, giishpin odonachigewinan gaye gawitodang onji bakaaniseng.

Aaniin bebakaan gikino'amagewinan ga'odapinigadegin ezhi ganawabanjigadegin?

Gikino'amawaganag gagii kiizhitowaaj damiinaganiwiwag:

- Ontario aay skool gikino'amagewin ji'misko gikinawajichigadenig
- bebakaan gikino'amagewinan dagikinawabajigadeni gagii kiizhitooj
- mayaa da'onji gikinawadendagochigadeni gagii kiizhitooj Ontario gikino'amawagan odozhi'pii'ogowining.

Andi ono bebakaan gikino'amagewinan ezhi bagidinogaadegin? Andi mayaa ge'onji wiindamagoyaan?

Megwaa 2012-13. Ono bebakaan gikino'amagewinan gii'ayaamaganoon miziwe gikino'amadiiwigamigoon ga'abiitamowaaj dedibaa'ii Ontario. Geyaabi wiikikendaman wegonen dinowi gikino'amagewinan e'ayaagin, ganoozh gikino'amagewigimaa gemaa gikino'amawagan ogashki'owin ga'baminang ga'dananokij gikino'amadiiwigamigong. Geyaabi gaa'izhi wawijigadegin ono bebakaan gikino'amagewinan gaye aniin ezhimiwijigadegin gagiimikaan mamakadabikong o'omaa www.ontario.ca/studentsuccess.